

Ч. 1108

# ГЕОГРАФІЯ ПОДКАРПАТСЬКОЇ РУСИ


РОЗНАЗАВЪ 16-ГО ОКТОБРЯ 1920 РОКА НА  
ПРЕПОДАВАТЕЛЬНОМЪ ВЕЧЕРИ „СОКОЛА“

МИХАИЛЪ ГРИГАНІЙ

директоръ руської горожанської школи  
мѣстостароста „Сокола“ въ Ужгородѣ.



УЖГОРОДЪ,  
Типографія Акціонерного Товариства „Уляно“.  
1920.









## а) Горнѣ системы.

На земнѣй кулѣ можеме найти три-якѣ группы горныхъ системъ:

1. *Прастарѣ горы*, котрѣ суть дуже давнѣ массивнѣ частины шкуры земноѣ и одѣ дуже давныхъ вѣкѣвъ зношуются, стираются и пропадаютъ. Сякѣ горы на пр.—якѣ члены Варискусовой частины — Французскѣ Середнѣ горы, Нѣмецкѣ Середнѣ горы и Судеты.

2. *Евразіальнѣ горы*, котрѣ одѣ давна — но зато еще и теперѣ формуются. Сесѣ горы одѣ запада на востокѣ, одѣ Атлантійного океана до Тихого моря тягнуться: якѣ Пиренеѣ, Альпы, Карпаты, Балканѣ, Яйла, Кавказѣ, Альпы-Динариды, Понтусѣ, Таурусѣ, Арагѣнскѣ горы, Елбурсѣ, Паропамисусѣ, Гиндукусѣ, Загросѣ, Кохрудѣ и Сулейманѣ присягнуть Памірѣ, отки на три части розлучено тягнуться идѣ Тихому океану. На сѣверо-востокѣ: Тіеншанѣ, Ал-

тай, Яблоновой, на востокъ Квенлынъ, на юго-востокъ Каракорумъ, Гималая, Трансгималая и розтрѣсканѣ Заднѣ-Индійскѣ горы. Сесѣ горы звяжуть Европу зъ Азією, зато зовуть ихъ: Европа-Азіальными або коротко *Евразіальными* а цѣлого континента: Европы-Азіи—*Евразіи*.

3. *Пацифичнѣ горы*. Ту принадлежащѣ горы суть наймолодшѣ. Они формується теперь и указують страшезный вульканизмъ. Пацифичнѣ горы, якъ перстень окружають Тихій океанъ и перетягуються на западнѣй части сѣверноѣ и южноѣ Америки, а на восточнѣй части Азіи.

## I. Горы Словенська и Подкарпатськоѣ Руси.

Горы Ческословенськоѣ Республики на двѣ группы роздѣляются. Горы у Чехіи, Моравіи и Силезіи принадлежать идѣ Прастарымъ Варискусовымъ горамъ, горы на Словенську и на Подкарпатскѣй Руси принадлежать идѣ Евразіальнымъ Карпатамъ.

Горы Евразіалнѣ ассиметріально суть збудованѣ. На внутрѣшнѣй части есть море, або на даколишнѣмъ мѣстѣ моря рѣвнина. Изъ сего вускочить по-




ясь зъ вульканами, послѣ сего слѣдуе кристальный поясъ, за симъ поясъ вапнистый, а на внѣшнѣй части постепенно филасто спадающій пѣсковый поясъ.

Идеальный прорѣзъ слѣдующій образъ указуе:

Вулъ. п.    Кр. п.    Вап. п.

Пѣс. п.



Если сесъ прорѣзъ держеме передъ очами прекрасно можеме группировати горы на Словенську и на Подкарпатскѣй Руси. Горы Словенська мусиме бѣжучи переглянути, бо у тѣснѣмъ союзѣ суть зъ горами Подкарпатскоѣ Руси.

Позирайме лемъ на мапу, и вырѣжме тоту територію, котра на сѣверовостокъ розширяеся одъ рѣки Моравы и Дуная ажъ до долины Попрадъ и Тополѣ. Ся територія не лемъ на видъ така круга яка яйце, но и геологично одностойна, и на слѣдующѣ евразіальнѣ зоны роздѣляеся:

1. Внѣшний поясъ пѣсковый слѣдующѣ горы составлять: Бѣлѣ-Карпаты, Западнѣ Бескиды до рѣки Попрада.

2. Поясъ вапнистый не можъ у великихъ цѣпахъ, лемъ у скалахъ (горстахъ) найти, на котрыхъ гдетамъ прекраснѣ лидарскѣ замки или руины видиме. Сякѣ у долинѣ Вага: замокъ Тренчина, Бецкова, у долинѣ Оравы замокъ Оравы.

3. Наибольшій, найчамянѣйшій поясъ кристальный. Його можеме роздѣлити на внѣшний и на внутреннй поясъ. Члены внѣшноѣ части: Малѣ-Карпаты, Мала-Фатра, Высока-Татра и кончатся горою Бранѣско. Наибольша высочина у Высокихъ-Татрахъ: Герлаховка, котра есть высока 2263 м. Части внутрѣшнѣ: Велика-Фатра, Низка-Татра зъ 2045 м. высокимъ вершкомъ Дюмбьеръ.

4. Доповнять евразіальный рядъ вулканичнѣ Верхи-Сланки, котрѣ геологично продовжаються въ Мадярщинѣ вулканами Токайскими, Буковыми, Матрою и Черхатомъ.

Позирайме теперь другу территорію, котра тягнесь одъ долины Попрада и Тополѣ до ключа Тисы. Сеся друга территорія, котра политично на двѣ части роздѣлена: на Восточну. Словенску и на Подкарпатську Русь, геологично одностойна. Она есть збудована изъ одного головного а изъ одного побочного пояса.



1. Внѣшний головний пѣсковый поясъ можеме роздѣлити на слѣдующѣ части: одѣ рѣки Попрада до Дукельскаго перехода тягнуться Лѣснѣ-Карпаты, одѣ Дукельскаго перехода до Верецскаго перехода Восточнѣ Бескиды, а одѣ Верецскаго перехода до жерель Тисы Мараморошскѣ-Полонины. Наибольша высочина у Восточныхъ Бескидахъ Полонина Руна 1482 м. висока. У юго-западнѣй части Мараморошскихъ-Полонинахъ Говерла на 2058 м., а Пѣпъ Иванъ подымаеся на 1940 м.

2. Паралелно зѣ пѣсковымъ поясомъ найдеме вулканичный поясъ. Вулканичнѣ горы одинъ за другимъ сякъ слѣдуютъ: Вигорлатъ межи рѣками Лаборець и Ужъ, Маковиця межи Ужомъ и Латорицею, Бужора межи Латорицею и Боршавою, Севлюшскѣ горы межи Боршавою и Рѣкою. Ту принадлежитъ еще и Авашъ, но сея вулканична гора уже за Тисою есть и лемъ одна частина принадлежитъ идѣ намъ.

Прекраснѣ были сесѣ вулканы у третьомъ періодѣ землѣ у такъ званѣмъ терціерѣ. На мадярскѣмъ Алфелдѣ велике Понтушскѣ море колибалосѣ и филѣ сего моря обливали юго-западнѣ частины нашихъ вулканѣвъ, котрѣ у сѣмъ періодѣ двигнулися горѣ и кури-

лися вельми достойно. Но даколи страшно загремѣли, и тогда не лемъ помнянутъ великѣ вулкани, но и такѣ малѣ, на котрыхъ теперь ужгородскій, мукачевскій, густскій замокъ стоитъ, выпустили изъ себе пару, выдули огньовый поломѣнъ, горячѣ камѣня метали, а на конецъ ляву розливали. Теперь—якъ выгаслѣ вулканы—спокойно и тихо стоять.

## II. Рѣки Подкарпатскоѣ Руси.

Рѣки Подкарпатскоѣ Руси одностороннѣ. То значить есть одна головна рѣка Тиса и другѣ рѣки всѣ у сесю спѣшать изъ сѣвера на югъ. Перетинають сѣ рѣки горы, зъ симъ представлять переходы, способъ дадутъ на будованя желѣзныхъ дорогъ, а изъ правоѣ стороны заллються въ Тису.

Тиса изъ двохъ жерелъ вытѣкае якъ Чорна- и Бѣла-Тиса. Соединившися до Требушы на югъ тече, одти на западъ, но коло Чона наразъ обернеся на юго-западъ и покидае нашу землю. Найбольшѣ побочнѣ рѣки: Терешва, Теребля, Рѣка, Боршава, Латорипя, Ужъ зъ Турйою, Лаборець и Ондава. Послѣднѣ чотыри рѣки соединяться и якъ Бодрогу ллються у Тису. На ровнинѣ



межи рѣками Латориця, Боршава и Тиса есть болото: Сернѣе.

Желѣзницѣ слѣдуютъ долинами рѣкъ. Головна желѣзнична линія у долинѣ Тисы веде черезъ Чопъ, Батѣово, Густъ, Мараморошсиготъ, Татарскій переходъ до Галичины. У долинѣ Латорицѣ черезъ Чопъ, Батѣово, Мукачево, Сваляву, Верецскій переходъ, — у долинѣ Ужа черезъ Чопъ, Ужгородъ, Перечинъ, Березну, Ужоцскій переходъ до Галичины, такъ само у долинѣ Лабореця черезъ Лупковскій переходъ до Польши годнисьме перейти.

### III. Климатъ, Флора, Фауна и минералы Подкарпатскоѣ Руси.

О климатѣ, о рослинахъ, о рѣжныхъ звѣряхъ и о минералахъ слѣдующе можемъ говорить.

Климатъ Подкарпатскоѣ Руси загаломъ умѣренный, но въ Мараморошѣ и на вершинахъ зима сурова и довга. Середня температура въ Каболецкѣй Полянѣ (Gyertyánliget) одъ 1871—1900 р. мѣсячно слѣдующа была:

въ м. январѣ:	4·0°	въ м. юлю:	18·0°
„ „ февралѣ:	1·9°	„ „ августѣ:	17·5°
„ „ мартѣ:	2·6°	„ „ сентябрѣ:	13·7°
„ „ апрѣлѣ:	9·0°	„ „ октобрѣ:	9·1°
„ „ маю:	13·4°	„ „ ноябрѣ:	2·6°
„ „ юню:	16·2°	„ „ декабрѣ:	2·2°

Ежегодно: 7·8°

Дождь падав одъ 1871—1905 ежегодно: 1231 мм.

Мѣсто метеорологичноѣ станціи по надъ море: 410 м.

Плодородну почву лемъ у долинахъ и на южнѣй ровнинѣ можеме найти, но на такѣй малѣй территоріи, что не родить только урожая, колько тутешнѣ жителѣ потребують. Головный урожай на южныхъ равнинахъ пшениця, жито, ячмѣнь, тенгериця, пасоля, на сѣверѣ крумплѣ и овесъ. Горы лѣсами закрытѣ. Лѣсы головно буковѣ, дубовѣ и ясѣньвовѣ. Межи плодоносныхъ деревъ видиме найчастнѣйше сливки, грушки и яблонки. Изъ червенохъ сливокъ сливлянку варять, сливки быстрицѣ, грушки и яблока сушать. Если добрый урожай есть, яблока и за границу продають. На Подкарпатскѣй Руси знамените вино родиться: въ Чертежѣ, въ Солотвинѣ (Ужг. ж.), въ Середньовѣ и въ Береговѣмъ (Beregszász).

Окремъ домашнихъ скотѣвъ найдеме въ лѣсахъ Подкарпатскоѣ Руси звѣрѣвъ: заяця, лишку, серну, оленя, дику свиню, медвѣдя, вовка, дикого кота и



въ Мараморошскихъ полонинахъ трафиться и рысь.

Въ минералахъ такожъ не худобна Подкарпатська Русь. Соль не лемъ на наше хоснованя маеме, но и на продажъ за границу богато обстане. Въ горахъ камѣнный уголь, золото срѣбро, дагде въ долинахъ и земна ропа (нафта) найдеса, но до теперь не дуже шукали за ними. Минеральнѣ жерела и купелѣ маеме въ Ужгородѣ, въ Ужку, въ Цигановцяхъ, Свалявѣ, въ Лузѣ, въ Довгѣмъ, въ Кабонецкѣй-Полянѣ и въ Солотвинѣ (Марам. ж.). Изъ Дубринича каолинъ ещѣ и подъ войною несли до Пейча (Мадярщ. ж. Бараня), где извѣстнѣ судины: майолики правили.

#### IV. Етнографія Подкарпатської Руси.


У политичноѣ Подкарпатської Руси найдуться :

319,364	Русины
169,434	Мадяры
62,187	Нѣмцѣ
15,387	Румуны
4,057	Словаки
1,692	другѣ народы

---

Разомъ: 572,121 жителѣвъ.

Найбогѣе города Подкарпатскыя  
Руси мають у городскихъ двѣхъ са-  
моураву и ведуться выбраною город-  
скою радюю.



Гр. кав. епископска палата и кат. церковь въ Ужгородѣ.

головнѣ жураты, окружнѣ головнѣ уряд-  
ники. Округи вновь роздѣляются на  
кружки. Дѣло кружка ведется нотаремъ  
въ сельскими старостами.



ребрали слова одинъ одъ другого такъ, что днесъ ту границу точно не можемо назначити, доки розпространялися Русины на западъ, або Словаки на востокъ. Бѣдерманнъ и Добрянскій тоту границу одъ котороѣ на западъ истиннѣ Словаки жиють черезъ Спишську-Магуру и Толчвою назначили. Тѣ Словаки, котрѣ одъ сеѣ линіѣ на востокъ жиють, уже не чистѣ, бо перемѣшанѣ зъ Русинами.

Днесъ ту територію, где майже чистѣ Русины бывають слѣдуючою границею можемо назначити:

Выходячи изъ долины Попрада, черезъ Бардѣовъ, Гуменново, Ужгородъ, Страбичово, Киральгаза, Мараморошиготъ, долину Вишава ажъ до политичноѣ границѣ, котра насъ одъ галицескихъ Русинѣвъ розлучае.

Число тугейшихъ Русинѣвъ слѣдуючу статистика указуе:

1840	1870	1880	1890	1900	1920
442,903	469,42	1353,229	379,686	424,774	464,270

Сесю мадарску статистику — хотяя не точна — годнисьме приняти и то казати, что Русинѣвъ у Ческословенскѣй Републицѣ приближно  $\frac{1}{2}$  милліонъ находитъся.

Етнографы на чотыри группы роздѣляютъ Подкарпатскихъ Русинѣвъ:

1) *Верховинцѣ*, якѣ живутъ въ горахъ, непосредственно прилягаючи до Галичины

и заселяютъ комитаты Мараморошскій Бережанскій и Ужгородскій.

2) *Долиняне*, якѣ живутъ низше въ ровныхъ мѣстностяхъ тыхъ же комитатѣвъ.

3) *Крайняки* живутъ въ комитатахъ Земплинскѣмъ, Щаришскѣмъ.

4) *Спишаки*, въ Спишскѣмъ комитатѣ.

*Верховинцы* ростомъ великѣ, темне волоса мають. Старѣ мужчины любятъ носить довгѣ бороды. Головно занимаются скотоводствомъ. Каждый рокъ зъ весною выходятъ зъ худою на, полонину, живутъ тамъ по колибахъ, роблять овечій сыръ и въ осени вертають домѣвъ. Верховинцѣ хлѣборобствомъ займаются мало, хіба на краю Верховины. Богато роблять при сплавѣ дерева а при вырубованю лѣсовъ. Верховинцѣ мають чудовый домашній промыслъ: деревяный, ткацскій, гончарскій. Дуже побожнѣ, але разомъ зътымъ и забобоннѣ. Они мають великій нахилъ до чарки. Верховинцѣ дуже спѣвучій народъ, ихъ пѣснѣ велику силу мають. Найлюбѣйшій танецъ ихъ коломѣйка. Жѣнки верховинцѣвъ на выгядъ краснѣ, палкѣ очи и надзвычайно маленькѣ ноги мають, але подъ вагою тяжкоѣ працѣ скоро старѣють. Мѣсто чоботъ такъ мужчины якъ и женщины носятъ



особливѣ горскѣ черевики: бочкоры. Верховинскѣ села розкиданѣ по горбкахъ. Хаты не бѣленѣ, зѣ малыми ок-



Верховинець.

ночками. Тамъ разомъ жиють и люде и худоба, зато повѣтря страшне.

Долиняне найкрасшій и може и найсильнѣйшій типъ Подкарпатськихъ Ру-


синѣвъ. Большость ихъ визначаеся дуже великимъ ростомъ. Въ протилежность до Верховинцѣвъ темпераментъ у Долинянъ больше горячій, вдача больше енергійна, они больше подпріємчивѣ, палкѣ та чутливѣ.



Стародавна деревяна церковь на Верховинѣ.

Ся рѣжниця залежить одъ рѣжницѣ характера мѣсцевости и загальныхъ умовинъ житя. Окремъ годовляя худобы Долиняне займаются ще хлѣборобствомъ а инодѣ и ремеслами. Завдяки родючѣй земли и теплomu климату,






Хижа долинянина.

Ћжа Долинянѣ красша и пожиточнѣйша.  
Звычайна ыжа: овочи, сало, свинина,  
сырь и хлѣбъ кукурузяный. Горѣлку

Село Долгивъ.



пьють не такъ охоче, а больше люблять  
вино. Хаты ихъ чистѣ, зѣ свѣжим по-



вѣтрямъ, набѣленъ, обмазанъ глиною. Села розтягненъ довгимъ рядомъ здовжъ долины и потока. Доляныяе менше религійнъ, якъ Верховинцъ и менше забобонъ.

*Спишаки и Крайняки* въ физичнѣмъ и моральнѣмъ одношеню стоять найнизше одъ усѣхъ Русиновъ. Слабый складъ тѣла, бракъ мускулѣвъ, блѣде лице—характеризують сихъ бѣдныхъ людей. Плоскъ и выкривленъ ноги у нихъ типове явище. Они здебольшого лѣнивъ, неенергійнъ, оспанъ, дуже нахильнъ до пьянства, штобъ заглушити журбу и заморити голодъ. Живуть бѣдно зъ хлѣборобства, изъ своихъ коровъ и овчатъ а найбільше ходять по зароботкахъ по шырокѣмъ свѣтѣ. Та все вертають на родну землю и крѣпко держаться родноѣ мовы. Спишаки и Крайняки дуже забобонъ. Хаты похожъ до верховинськихъ. Впадае у нихъ въ око велика сила подушокъ та перинъ.

## V. Политична Подкарпатська Русь.

Политичну Подкарпатську Русь — окремъ державноѣ границѣ—назначить тота линія, котру потягнула якъ границу розлученну отъ Словеньска парижська мирового конференція. Сесю линію

майже точно представить намъ изъ Чопа до Ужка ведуча желѣзниця. Подкарпатскѣ Русины самовольно приключилися до Ческословенскѣ Републики, зато мирова конференція такъ судила, что у языковыхъ, религійныхъ и школьныхъ дѣлахъ автономію (самоуправу) будутъ мати и у сихъ дѣлахъ въ Ужгородскѣмъ соймѣ будутъ рѣшати. Въ общихъ дѣлахъ до Пражского парламента высланѣ послы будутъ совѣтоватися, разомъ зъ другими делегатами. Подкарпатська Русь высылати буде до парламента въ Празѣ 9, до сенату 4, а до Подкарпатского сойма 45 послѣвъ.

На чолѣ Подкарпатскѣ Руси стоить одинъ губернаторъ и одинъ вице-губернаторъ назначенѣ президентомъ республики. Они надзирають на фаховыхъ референтѣвъ Подкарпатскѣ Руси, якѣ ведутъ дѣло школьне, финансове, судейске, полицайне, здоровельне економичне и политичне. Административно Подкарпатська Русь роздѣлится на жупы, якѣ: 1) Восточна половина бывшоѣ ужгородскѣ жупы. 2) Бережська жупа. 3) Угочанська жупа. 4) Марамарошська жупа.

На чолѣ жупъ стоять жупаны.

Жупы роздѣляются на округи; въ головныхъ мѣстахъ округовъ мешкають



На первый видъ чудесно дивимся на этнографичну мапу, якъ малоего стати, что Русины точно лемъ цѣсковый и вѣльканый посягъ терпѣторіи Подкарпатскоѣ Руси населили? Лемкій отъ вѣтъ дастъ намъ исторія!


Русины переселившиса мало помалу изъ свѣровостока черезъ Карпаты, пустилися одною частю на матерску равнину ажъ до Нѣредьгъзы, другою частю на западъ, но тутъ точну гра- ницю дуже тяжко повѣсти, бо скоро змѣнялися въ Словаками.

Большинство Русинѣвъ изъ Алфидъ подъ татарскими и турецкими нападами затѣгнулися межъ Карпаты, котрѣ густыми лѣсами закрыли ихъ переду о- чина неприятельствъ. Тыхъ Русинѣвъ, котрѣ остались на Алфидѣ, скоро пере- множили Мадяры, но Русины дуже дово- подержали своѣ национальнѣй характеръ, бо отъ Мадяра розлучивъ ихъ языкъ, розлучила религія, котра не лемъ у дав- нѣйшихъ столѣтѣхъ, но и въ теперѣш- ной исторіи великій роль играе меже Русинами. Но помало своѣ языкъ за- были, национальнѣй языкъ перемѣнили, омадурнилася, такъ, что теперъ лемъ ихъ греко-католичка религія нагадуе на давколишнихъ Русинѣвъ.

Майже такъ сталося на западѣ. Русины и Словаки помѣнялися, пе-

1) *Ужгородська жупа*. Головный городъ ужгородської жупы и цѣлоѣ Подкарпатської Руси: Ужгородъ. На прекрасномъ мѣстѣ лежитъ, роздѣленный на двѣ части рѣкою Ужомъ. Городъ на правомъ бе-


Монастырь Василянскій въ Ужгородѣ.



резѣ на холмистомъ гористомъ мѣстѣ, на лѣвомъ березѣ на плоской равнинѣ розширяется. Маекраснѣ будинки: губерніумъ, театръ, жупанскій и городскій



домъ, гр. кат. епископська палата, церковь, и прекрасный монастырь оо. Василианъ, краснѣ школы: руська реальна гимназія, руська горожанська школа, руська и словацська народна школа. Извѣстный въ Ужгородѣ стародавній замокъ, где теперь гр. кат. теологичный семинаръ помѣщенный, окремѣ того kwasноводяный купѣль и фабрика мебелѣвъ.




Ужг. руська горож. школа.

На сѣверо-востокъ отъ Ужгорода есть *Перечинъ*, велике фабричне мѣсто, где ацетонъ правять, *Велика Березна*, окруженне головне мѣсто, *Ужокъ* зъ лѣтомъ дуже гляданымъ и гарными купелями, *Цигановцъ* не далеко на сѣверо-востокъ одъ Ужгорода зъ купелями. На юго-востокъ есть *Солотвина* зъ купелями, *Се-*

редньово и Чертежъ зъ далеко извѣстнымъ и  
гляданымъ виномъ.

2) *Бережська жупа*. Наибольшій го-  
родъ *Мукачево* лежитъ на лѣвѣмъ боцѣ  
Латорицѣ. По Ужгородѣ наибольшій  
культурный и торговый центръ Под-  
карпаткоѣ Руси. Красный городской домъ  
руську гимназію учительску семинарію



Ужгородскій замокъ.

и руську горожанську школу зъ многими  
интернатами мае. Мукачево въ найно-  
вѣйшѣмъ часѣ стало столицею новоѣ  
мукачевскоѣ жупы. Лежитъ оно на го-  
ловнѣй торговѣй дорозѣ межи Галичиною  
и Подкарпатською Русею и веде велику  
торговлю.

Коло города на юго-западѣ лежитъ  
Польанка (*Várpálánka*). Тутъ есть „мука-

чевскій“ стародавній—но еще и теперь добрый—замокъ, котрый бывъ маеткомъ вождя Подкарпатскихъ Русинѣвъ *Франца Раковця*. На сѣверо-востокъ отъ Мукачева стоитъ Чернеська-Гора, на которой *Теодоръ Корятовичъ*, князь Русинѣвъ, заложивъ монастырь для *Василияновъ*. *Свалява* и *Луги* славнѣ суть своею минеральною водою. Въ *Береговѣмъ* (Bereg-



Монастырь Василияновъ на Чернеськой горѣ.

szász) находится жупанатъ и окружна судебна палата. Красну мадарську и руську гимназію и мадарську горожанську школу мае. Коло города розширяються великѣ винницѣ.

3) *Угочанська жупа*, зъ головнымъ городомъ Севлюшомъ. Краснѣ новѣ руськѣ школы (горожанська, народна школа и



захоронка) має у одній групѣ. *Киральгаза* найновѣйше дуже важне мѣсто якъ головна станція до Румуніи виходячою желѣзною дорогою.

4) *Мараморошська жупа*. Найбільшій городъ *Густъ* зъ руською горожанською и народною школою и зъ старимъ замкомъ. *Солотвина* теперъ мѣсто для жупаната, має купѣлѣ и солянѣ закопы. Другѣ тамошнѣ города и села: *Бѣлки*, велике село у долині *Боршавы*, *Бочковъ* зъ извѣстною хемичною фабрикою, *Довгое* и *Кабонецкая-Поляна* зъ купѣлями, *Сулигули* зъ извѣстною квасною водою, *Рагово* мале культурне руське мѣсто въ долині *Тисы* зъ славными купѣлями, *Ястня* послѣдна станція до *Галичини* виходячою желѣзною дорогою въ долині *чорноу Тисы*.



## СОДЕРЖАНІЕ.

а) Горні системи.....	3
І. Горы Словенська и Подкарпатської Руси.....	4
ІІ. Ріки Подкарпатської Руси.....	8
ІІІ. Кліматъ, флора, фауна и минерали Подкарп. Руси ..	9
ІV. Етиографія Подкарпатської Руси.....	11
V. Політична Подкарпатська Русь.....	19

---

Примѣчаніе: На найбільшій жалѣ, черезъ недоглядъ  
въ друкарні прекрадено много дробныхъ помилокъ, які  
выправити уже не мавъ симъ часомъ можливости.

Григашиї.

